

CNS7532

R GB 23-08 00190 BB668

bah

Mahathir - Nilai

NILAI MORAL, ETIKA DAN KASIH SAYANG TIDAK BOLEH DIKETEPIKAN, KATA PM

KUALA LUMPUR, 23 Ogos (Bernama) -- Perdana Menteri Datuk Seri Dr Mahathir Mohamad berkata dalam usaha membaugunkan negara sebagai negara perindustrian, nilai-nilai moral, etika dan kasih sayang tidak boleh diketepikan.

Walaupun kita harus melahirkan masyarakat perindustrian yang serba cekap, memenuhi keperluan tempatan dan permintaan dari luar, dengan memberi tekanan kepada nilai komersil, kita tidak harus mengetepikan nilai-nilai lain yang sama penting dalam proses kemajuan ke arah sebuah negara sihat dan bersatu, katanya.

"Pencapaian kemajuan yang hanya berlandaskan kepada satu nilai khusus akan mewujudkan ketidakseimbangan kepada perkembangan rohani dan jasmani masyarakat," katanya pada majlis perasmian Taman Wawasan Public Bank di sini hari ini.

Beliau berkata: "Itulah sebabnya dalam sembilan cabaran yang diutarakan dalam Wawasan 2020 diterapkan nilai moral, etika dan kasih sayang sebagai prasyarat penting untuk menjadi negara yang maju dalam serba sudut."

Nilai-nilai itu akan membentuk masyarakat Malaysia seimbang selaras dengan Wawasan 2020, dan akan membawa negara kepada pembangunan dan kemajuan tanpa sebarang kerugian atau pengabaian daripada aspek-aspek sosialnya, katanya. -- lagi

▼23/08/20-27MST

R GB 23-08 00147 BB669

bah

Mahathir - Nilai 2 Kuala Lumpur

Mahathir berkata nilai moral, umpamanya, akan memberi landasan rohaniah yang kukuh dalam usaha negara menuju ke arah kemajuan dan dapat membentuk masyarakat yang sedar akan tanggungjawab sosialnya.

Katanya pengalaman negara barat yang lebih dahulu maju telah menunjukkan penumpuan mereka kepada kebendaan dan keuntungan dengan mengetepikan nilai-nilai lain, menyebabkan kini mereka mengalami masalah sosial.

"Bandaraya-bandaraya mereka sekarang mengalami "kemunduran" dengan jalan berlopak, sampah sarap merata-rata dan taman-taman tidak dipelihara serta berbahaya kepada pelawat," katanya.

Katanya warga bandaraya itu tidak lagi mempunyai kebanggaan sivik dan mereka mengotorkan keadaan sekeliling. Bandar menjadi muram dan kehidupan wargakota tidak lagi selesa dan ini tidak menggalakkan usaha ke arah kejayaan, baik dalam perniagaan atau bidang seni dan budaya.

Perdana Menteri berkata nilai ekonomi mesti dibantu dan diperlengkapkan dengan nilai estetik atau keindahan. -- lagi

▼23/08/20-36MST

bah

Mahathir - Nilai 3 (Akhir) Kuala Lumpur

"Petunjuk-petunjuk kesempurnaan sesebuah organisasi itu tidak seharusnya dicerminkan oleh nilai wang, keuntungan ataupun kejayaan kebendaaan semata. Ia mesti diseimbangkan dengan nilai lain seperti cinta pada keindahan, seni, budaya dan kecemerlangan sukan," katanya.

Dr Mahathir berkata pada masa ini kawasan lapang di Kuala Lumpur, untuk tujuan riadah, hanya 667 hektar dan dengan itu perancangan yang baik dan teliti amat diperlukan.

Perdana Menteri turut memasukkan kapsul masa, yang mengandungi antara lain salinan kertas kerja bertajuk "Malaysia - The Way Forward", yang mengandungi huraian Perdana Menteri mengenai Wawasan 2020, di ruang legar Public Bank.

Pada majlis itu, Pengerusi Public Bank Tan Sri Thong Yaw Hong menyampaikan cek berjumlah RM20,000 kepada isteri Perdana Menteri, Datuk Seri Datin Paduka Dr Siti Hasmah Mohamed Ali selaku Presiden Persatuan Pandu Puteri Malaysia.

Paman lanskap itu, yang terletak di persimpangan Jalan Sultan Sulaiman dan Jalan Sultan Muhammad, mempunyai tiga arca menggambarkan aspirasi Wawasan 2020 beserta air pancut, pokok-pokok menghijau dan bonsai. -- Bernama.

HK AH RON

▼23/08/20-42MST